

# **Tsono Pakuti Wabaliwa Pomwe**



Chris Oyakhilome, D.Sc., D.D





# Tsono Pakuti Wabaliwa Pomwe

Chris Oyakhilome, D.Sc., D.D

Ndime zense zidanyolewa mubhuku limweli zidatolewa muBhaibheli  
(laChishona Chakale), lakhala lichifuna kupitilana nalaChizungu pomwe  
nalaChizungu chaKing James Verson (KJV). Dzvipani dzvimwedzvi  
dzvakhala dzvaledwa kuchokela kuna manango maBhaibheli yaChizungu  
yaninga yadalatiza dzvibeseseke.

Bhuku limweli lidanembewa kaChiwili mugole la2003

ISBN 978-34658-7-2

Published by: LoveWorld Publishing

Copyright © 2006

*email: [info@loveworldbooks.org](mailto:info@loveworldbooks.org)*

*website: [www.loveworldbooks.org](http://www.loveworldbooks.org)*

All rights reserved under International Copyright Law. Contents and/or cover  
may not be reproduced in whole or in part in any form without the express  
written permission of LoveWorld Publishing Ministry.

# DZVILI MUKATI

1. IWEPO CHAYIYE	7
2. IWEPO WAKHALA CHISIKWA CHATSAPANO	13
3. WAKHALA WALUDZI LAMULUNGU. WAKHALA WAGAZI LAMULUNGU!	15
4. IWEPO WAKHALA KULUNGAMA kwAMULUNGU!	21
5. IWEPO UDATSUKIWA!	23
6. IWEPO WAKHALA MUNTHU WANDEMELA	25
7. IWEPO UDATSUDZULIWA!	29
8. MZIMU wAMULUNGU wakukHALA mawuli!	33
9. NICHAYANI CHAWUNGAFUNE KUYITA UKAKHALA NANZELU zakuyIPA ZikabwELA MUNKHUMBUKILO?	35
10. NICHAYANI CHAWUNIFANI LA KUYITA KANA ANZAKO WAUKHASENZEKA NAWO ACHIYESA KUKUWOLESA MTIMA?	47
11. NICHAYANI CHAWUNGAYITE KANA UKASHISHIWA KUMAPEMPHELO YAKO?	55
12. MZIMU wAMULUNGU akHALA muUmoyo wako	63
13. KOMA, UNGAYENDE kuCHECHI?	75



## *Mbale Wanifuna,*

**M**akolokoto! Watambila Jesu Kristu. Wakutambila kuti wakhale iye athonga umoyo wako. Pomwe akhala mpulumusi wako. Kulewa kuti watambila chipulumuso. Chipulumuso chimwechi chikhala nakusingamale.

Ndina dzvinthu dzvanifuna kuphataniza. Dzvakhala dzvachadidi. Ndidzvo dzvinilimbisa chikhulupililo chaaKristu. Nifuna kuti nayiwepo useyenzesa dzvinthu dzvakutenepadzvi. Dzviseyenzese kulimbisa umoyo wako. Ndiye kuti ukhale naumoyo udalimba. Udabwisa. Koma welenga mafala yadanembewa mumanembo yano. Useyenzese. Uzakhala nadzvawunifuna. Dzvawunifunadzvo dzvikhala nakusingamale.

Nipemphela kuti Mulungu akupase Mzimu wanzelu. Akupasembo Mzimu

wakuwonesewa. Ndiye kuti uwadziwe. Maso yakubvesesa kwako yapenyese. Kutu uwone kukula kwakunyanganyila kwawudachemelelewa. Udziwembo dzvinthu dzvense dzvawudapasiwa padecha. Dzvinthu dzvakhala muna Kristu. Amen.

Dzvidanembewa mumanembo yamweya dzvichakunthandiza. Dzvichayita kuti ukwanise kuyamba umoyo wako watsapano muna Kristu. Pawunidzvifundila, nyangana muBhaibheli lako udzvifundile wekha Manembo.

Mafala yako yali mumanembo yano yachasandula umoyo wako. Yachakunthandiza kulong umoyo wako. Uchiwumisa paFala laMulungu. Ndidzvo dzvatininyanganyila.

Mulungu akudalitse kwene-kwene, muDzina laJesu. Amen.

*Mbasa Chris Oyakhilome*

## IWEPO CHAYIYE

Iwepo ndiwelini nthupi lawuniwona kupela. Ndiwe lini chinthu chikwanisa kuwona kupela. Kubva dzvili kuyitika munyama. Kubva namakutu. Kuphata. Kulayidza. Nakuteyeza bemwa kupela. Mkati mwako muna chinango chinthu. Makhala namunango munthu. Munthu umweyu ninthupi lini lako lanyama kupela. Munthu umweyu nimzimu wako. Umweyo ndiye iwepo chayiye.

Bhaibheli inilewa nadzvamunthu umweyu. Limuchemela kuti munthu wakhati. Ndidzvo



dzvatiniwelenga muna 1 Petulo 3 ndime ya4. Panilewa kuti, ***“Koma ndaachenese mtima wake. Akhala iye munthu wakhati. Asingafe. Mzimu wake ukhale nakudzvibweza. Udadelekha....”***.

Nthupi lamunthu lingafe. Koma mzimu wake unikhala uli waumoyo. Undolamba uli munthu. Munthu umweyu aninga adalimba. Andokhala ali dzvaakhali. Palibe chaananga achosewa paali. Kunja kwakuti aninga akanati akudziwa kuseyenza ali padziko pano. Nthupi lininga lafa dzvalene. Koma mzimu wake uninga uchili nankhumbukila. Uchidziwa dzvinthu dzvaakhali munthupi lanyama. Mzimu umweyu ndiye munthu chayiye.

Jesu Kristu adambolalewa nadzvaanango amuna. Nkhani yacho tiniyifonokhola muna Luka 16. Amuna amwewa akhali awili. Munango wacho akhali wakusaya. Dzina lake akhachemelewa Lazalo. Munango akhachemelewa wakupfuma. Lazalo akhali

wakusaya dzvake. Koma mtima wake ukhali wakulungama. Dzvakutenepo ndidzvo dzvikhali dzvabwino paali. Lazalo umweyu adazamwalila. Nikutolewa. Nikuyendesewa kuna inango mbuto. Mbuto imweyi ikhali pachifuwa chaAbhulahama. Mamuna wachiwilli akhali wakupfuma. Koma umoyo wake ukhali kuchena. Iye adazamwalilambo.

Nyanganisisa nkhani imweyi. Mamuna umweyu adazafa. Chitanda nikuyikhiwa. Adayikhiwa padziko pano. Koma Jesu anilewa kuti iye adayenda kudindi lamoto. Nikusimusa maso yake. Adayasimusa ali kumweko kudindi lamoto. Nikuwona Lazalo. Lazalo akhali paChifuwa chaAbhulahama. Mamuna umweyu nikudziwa Lazalo umweyu. Nikuchemelela achiwuza Abhulahamu. Nikuti, “Nandi! Ndithanizekoni!” Kulewa kuti mamuna umweyu akhachili kudziwa kulalewa. Abhulahamu nikumudayila. Pomwe iye nikubva fala laAbhulahamu. Kulewa kuti akhachili

kumva.

Wakupfuma umweyu pana dzvaadapanganizambo Abhulahamu. Nikuti akhali nanyota. Pomwe akhali kuwawidwa. Koma nikukumbila kwaali nikumbati, “Nandi. Nditumilenkhoni Lazalo. Andibweleseleko madzi. Maningi yakakhala yadachepa. Ndapwetekeka nanyota”. Nikuewa kuti akhali kukwanisa kumva dzvikhayitika kwaali.

Mamuna umweyu akhali kuyita nkhumbugila. Pakuti adalewa kuti, “Tolani munango munthu. Mutoleni kuchoka kuwakufa. Mumutume kuwadiki wangu. Akawalalikile”. Akhali namudiki wake. Adikiwa akhali ashanu. Akhachili padziko. Koma nikukumbuka kuti, “Kabanga kungayite munango kuchokela kuwakufa akawalalikile, akhulupilile”. Koma wakupfuma umweyu akhali kukumbukambo adiki wake!

Koma nthupi lamunthu lingafe dzvalene.

Koma mzimu wake ukhala uli waumoyo. Ndidzvo dzvatinyangana munkhani imweyi. Tsono, munthu angabaliwe pomwe. Mzimu wake umwewu ndiwo wakhala wabaliwa pomwe.

**2 Akolinte 5 ndime 17 kufika 18** panilewa kuti,

*“Koma kana munthu akhala muna Jesu Kristu. Akhala munthu wat-sapano. Dzvaakhali kale ndidzvo lini dzvaakhala. Nyangana uwone. Dzvakhalapo dzvense dzvakhala dzvat-sapano. Pomwe dzvinthu dzvensedzvi dzvakhala dzvatsapano. Dzvachoka kuna Mulungu. Iwo adaseyenzesa Jesu Kristu. Adamuseyenza kuti bwezela kwaali. Nikutipasambo basa lakubwez-ela wanthu kwaali”.*



## IWEPO WAKHALA CHISIKWA CHATSAPANO

Iwepo udapasa umoyo wako kuna Jesu Kristu. Ndiye akutonga umoyo wako. Koma udasiyana nadzvawukhali kale. Chimilo chako chilibe kusanduka. Koma munthu wakhati ndiye akhala watsapano. Ndidzvo dzvinilewedwa naBhaibheli. Tiniwelenga mafala yamweya muna 2 Akolinte 5 ndime 17. Ndiwe lini munthu “adafanana nachisikwa chatsapano”. Koma kuti “wakhala chisikwa chatsapano”. Uchalibe nkhani yaumoyo wakale.



Iwepo udapaliwa pomwe. Kumweku kukhalili kundogadzilisiwa kupela. Kukhalilini kuunjizila. Kukhali kubaliwa pomwe. Kukhali kubaliwa kwachiwili. Dzvichilewa kuti udabwela uli munthu watsapano. Koma munthu wakhati umweyu ndiye watsapano. Koma dzvinilewa lini kuti unthu wako unifanila kusanduka. Ungakhale udagelewa msolo. Msolo umweyu ukhala udagelewa. Usanduka lini pakuti wabaliwa pomwe. Uchili kuyita basa limwelo chayilo. Uchili mumbumba yakale ile. Uchili kukhala kwawukhali kukhala.

Koma udasanduka mukati. Mzimu wako wakhala watsapano. Koma makhalidwe yako yakhala yatsapano.

## **WAKHALA WALUDZI LAMULUNGU. WAKHALA WAGAZI LAMULUNGU!**

Mulungu adakuyita mwana wawo. Adakupasa mtendele wakukhala mwana wawo. Adayita dzvakutenepa pakuti udabaliwa pomwe. Ndidzvo dzvatiniwelenga muna Johani 1 ndime ya12. Koma mzimu wako akhala waludzi laMulungu. Wasandula ludzi. Wakhala wagazi laMulungu. Jesu Kristu ndiye adayita kuti dzvensedzvi dzvikwanisike. Dzviniiyitika kumunthu wense akhala atambila Mulungu. Nichinthu chinidabwisa kwene-

kwene. Koma wakhala waludzi laMulungu. Ndidzvo dzvatiniwelenga muna 2 Petulo 1 ndime ya 3 kufika 4.

Mulungu ndiye akhala Apayi wako. Dzvidayitika tani? Chinthu chokha chokh chinibala ludzu lachene. Ndiye tsapano mbwaya ichibala mbwaya. Johani 1 ndime ya12 kufika pa13 panilewa kuti, ***“Koma kuna anango adalitambila. Adatambila dzina lake. Wanthu amwewa nikupasiwa mphamvu namtendelo. Wakuti akhale wana waMulungu. Wanthu amwewa nikubaliwa kachiwili. Nee nagazi. Kabanga nakufuna kwanyama. Pomwe nakulonga kwamamuna. Koma nikubaliwa naMulungu pachake”.***

Mulungu nimubeleki chayiye. Animvamb “nyoka zawo kufamba famba”. Anibva tenepa paaniyita nkhumbugila nadzvako. Pomwe wakhala chipani yambumba yawo. Kulewa kuti wakhala chibeleko chakudzulu. Kudzulu kumweku ndiko kwaanikhala iwo.

Mulungu ndiye akhala nabasa lakukuchengeta. Ungakhale nadzvinthu dzvawunifuna. dzvingakhale dzvinifuniwa pakulalama. Mulungu ndiye akhala nakukupasa dzvinthu. Anidzvitola papfuma yawo. Pfuma imweyi inimala lini. Nipfuma yaMulungu. Iniwoneka muna Kristuu Jesu. Ndidzvo dzvatiniwelenga muna Afilipi 4 ndime ya19. Iye akhala nadzvinthu dzvaadalongela umoyo wako, dzvilii dzvabwino. Dzvidayamba nsiku yawuda baliwa pomwe. Ndiwe mwana waMulungu. Wakhala wachikondi. Wakhala mumbumba yawanthu ana chikondi. Nichinthu chabwino kwene-kwene. Mulungu akhafuna kuti ukhale chipani chaUmambo wake. Ndiye tsapano adakuyita munthu wagazi lake.

Mulungu adakupasa umoyo usingamale. Adakuyita wagazi lake. Ndidzvo dzvatinilatiziwa naBhaibheli. Koma wakhala nalinango gazi. Gazi limweli ndilo lina Mulungu. Ndilo linyita kuti upesane nawanthu wadziko lino.

Nigazi laMulungu. Ndilo lidayita kuti manda yataze kugwaninkhila Jesi Kristu. Nigazi lawanthu wale adambo mwalila, nikukunda imfa nakuzalamuka. Ndilo gazi lawakhala lalo. Ndiwo umoyo wawakhala nawo.

*1 Johani 5 ndime ya11 kufika pa13 panilewa kuti, "Dzvaadalewa dzvacho nidzvakuti, Mulungu adatipasa umoyo usingamale. Kuti tikhale wagazi lake, tsono umoyo umwewu uli muMwana mulumbwana wake. Munthu angakhale naMwana mulumbwana akhala naumoyo umwewu. Akhala nagazi lake. Koma aninga alibe Mwana mulumbwana waMulungu. Alibe umoyo umwewu. Ndiye lini wagazi libodzi. Ndidakunembelani dzvinthu dzvakutenepa imwepo akatambila dzina*

*laMwana mulumbwana waMulungu.  
Kuti mudziwe kuti makhala naumoyo  
usingamale. Makhala wagazi laMu-  
pulumusi”.*

Koma munthu angakhale naMWANA MULUMBWANA. Munthu umweyu ndiye kupela akhala wagazi lake. Pakuti umoyo umwewu uli muna Mwana mulumbwana waMulungu. Kulewa kuti udapasiwa umoyo umwewu. Udawupasiwa pawudatambila Jesu.

Iwepo wakhala wagazi limweli. Dzvichakwanisika lini kuti ukundiwe. Wakutonga dzvinthu dzvense. Dzvakutenepadzvi dzvinidabwisa kwene-kwene! Dzviniyita lini kuti Mulungu agweselewe pansi. Dzviniyitalini kuti akundiwe mphamvu. Koma iwepo wakhala wagazi lawo. Kulewa kuti dzvinikwanisika lini kuti ugweselewe pansi. Dzviniyitalini kuti ukuliliwe. Pakuti una Mzimu waMulungu wawakukhala nawo. Mzimu umweyu ndiye



adalamusa Jesu Kristu kuwakufa. Ndiye akukhala mkati mako. Ndidzvo dzvatinilatiziwa muna Aloma 8 ndime ya11.

## IWEPO WAKHALA KULUNGAMA KWAMULUNGU!

2 Vakolinte 5 ndime 21 panilewa kuti,  
***“Mupulumusi umweyu akhalibe chidzo.  
Achidzvidziwa kuti akhalibe chidzvo. Koma  
Mulungu adamuyita chipulumuso chachidzo.  
Kuti ife tikhale kulungama kwake kule kuli  
muna Mupulumusi!”***

Iwepo mbakakumbuka Mulungu achichosa dzvakuyipa dzvili mudziko. Achidzvibwela nadzvabwino, dzviniwadabwisa. Iye adayita kuti Jesu akhale chidzo. Kulewa kuti ndiye akhala chipiliso chachidzo. Adayita dzvakutenepadzvi

achitsvaga kunthandiza ife. Kuti iife tikhale muna Kristu, tikhale kulungama kwaMulungu.

Ndiye tsapano Jesu adafa ninga munthu wakutaza. Adafela iwepo. Pakuti ndiwe ukhali mwenchilo wakutaza. Koma tsapano wakukwanisa kufika pana Mulungu. Uniyenda kwaali pakuti uninga ulibe mulandu. Usingagope. Pomwe usingabve ninga munthu alibe ndemelo. Ndidzvo dzvatiniwelenga muna Ahebheli 10 ndime ya19, naAloma 5 ndime ya1.

.

## IWEPO UDATSUKIWA!

Kutsukiwa nikuyitiwa tani? Dzvinilewa kuchosewa doti namunthu alibe mulandu waachita. Ndiye manyanganilo yawuniyitiwa naMulungu. Akunyangana ninga munthu alibe mulandu yaadachita. Ndidzvo dzvatinolatiziwa naBhaibheli. Tiniwelenga mafala yamweya muna Aloma 5 ndime ya1. Anilewa kuti, “Pakuchit chikhulupililo ndicho chititsuka. Ndichi chiniyita kuti titolewe ninga wanthu alibe mulandu waadachita. Kulewa kuti Mfuma Jesu niMupulumusi. Ndiye atitsogolela kuna

Apayi". Koma iwepo udatsukiwa!

Iwepo ndiwe ukhali wakutaza. Kom  
ndiwe ukhafanila kupasiwa mulandu. Koma  
Jesu adakumililila. Nikupasiwa milandu iwo.  
Adayita dzvakutenepadzvi paadafa pamtanda.  
Pakuti iwo akhalibe dzvidzo. Ndidzvo  
dzvatininyangana muna 1 Petulo 2 ndime ya22.  
Ndiye tsapano Mulungu anikuwona ninga ulibe  
kutaza. Bhaibheli linilewa muna 2 Akolinte 5  
ndime ya 19 lichiti,

*"Mafala yathu ndiyakuti Mulungu  
akhale shamwali zake. Mulungu alibe  
kuchengeta dzvakuyipa dzvawo, koma  
adatipasa fala liniwuzwa njila yaani-  
wayita shamwali zake".*

## IWEPO WAKHALA MUNTHU WANDMELA!

Kabanga tingati ukhadagwela mumatope. Nikusviba kwene-kwene. Munango munthu nikubwela nakukuchosa mumatopemwo. Dzvawungafune pamwepa nikutsuka matopeya. Nikuchosa matopeya mawuli. Kuti usalatizike kuti wambogwela mumatope. Nibasa litola nthawe idakula.

1 Akolinte 6:11 panilewa kuti,

*"...Anango wanu akhali ninga tenepo,*



*koma mudachenesewa muchitazo,  
mudapasiliwa kwaMulungu, mudachen-  
esewa pamaso paMulungu kuchokela  
mwaMfumu Jesu Kristu naMzimu  
waMulungu wanthu”.*

Kuchenesewa kuli pawili. Chakuyamba Mulungu anikuchosa mumatope. Dzvakutenepadzvi dzviniyitika pawudibaliwa pomwe. Pamwepo, uniyamba kuwa munthu wandemelo. Nikuyitiwa wakulungama. Uninga wachosewa mudziko lino. Nikutiliwa kuna Mulungu. Ndidzvo dzvinilewedwa naBhaibheli. Ukamala dzvakutenepo unifanila kuchoka mumatope. Matope yamweya yanifanila kuchosewa mwawuli. Uniyachosa nakusamba nzelu zako. Uchizisandula. Uniseyenzesa Fala laMulungu kuzisamba, nakuchosa dzvili mwemo. Pomwe uchitila Fala laMulungu. Ndidzvo dzvatinilatiziwa muna Aloma 12 ndime ya2.

Koma nzelu zisanduka lini kabodzi. Ndazikhae zichisanduliwa, nakusambiwa. Pakuti nzelu zimwezi zina maseyenzelo yazakhala zichiyita. Zikanati zakukwanisa kutambila dzvinthu. Ndaziyambe kudzviwona namaso yanyama. Koma kana zasanduliwa ziniyamba kuwona dzvinthu nanjila yatsapano. Ndiyo njila iniseyenzesewa naMulungu kuwona dzvinthu. Pamwepo uninga wakulalewa mafala yaMulungu. Uchiyalalewa nanjila kwene-kwene yaMulungu. Yachizakuthandizambo dzvayaninthandiza kuna Mulungu.



## IWEPO UDASANKHULIWA!

*Akolose 1 ndime ya12 paka 13 panilewa kuti, "Muchitenda Apayi. Iwo adayita kuti tikhale kupasiwa pfuma yawakulungama. Imweyi inipasiwa wale ali muchayedza. Wale Apayi adatitsudzula. Nikuti chosa mumbuto yamdima. Nikutitila mumbuto ile inotongewa naMwana mulumbwana wawo, waanikonda chayidzvo".*

Iwepo wakhala chipani chaUmambo waMulungu. Ndidzvo dzvidayitika pale pawudapasiwa umoyo wako kuna Mfumu Jesu Kristu. Koma pachalibe mzimu wakuyipa ungakwanise kukupweteka. Ungakhale nadzvilango dzvawukhadamboyita. Dzvingakhale dzvilango dzvawudayita namzimu yakuyipa. Kabanga udayita dzvilango dzvimwedzvi wekha. Pomwe kabanga udayita usingadziwe. Watsudzuliwa kuchokela padzvilangodzvi. Watsudzuka kuchoka kumankhalidwe yakuyipa. Kuchokela kudzvakuyipa. Kabanga matenda. Ndawayanyi watsudzuka tenepa? Pakuti udatsudzuliwa kuchokela muphamvu zamdima.

Udatsudzuliwa. Koma mdima uchakwanisa lini kukutonga. Uchakwanisa lini kukutsogolela umoyo wako. Udachosewa mumdima mwemu. Nikutiliwa muUmambo wawo. Ndidzvo dzvinilewedwa naBhaibheli. Koma leka

kugopa. Mulungu ndiye akhala M'busa wako. Maso yawo yakukhala yali pawuli kupela. Koma anikuchengeta nthawe zense. Ndidzvo dzvatiniwona muna Nyimbo 23 ndime ya1.

Bhaibheli linilewa muna Johani 8 ndime ya36 lichiti, ***“Koma mufanila kutsudzuliwa. Mwana mulumbwana ndiye anifanika kukutsudzulani. Ndiye kuti mukhale wakutsudzuka pachadidi”***. Mulungu adakutsudzula. Nikukutula muUmambo wawo. Mwemo ndimo mawuli tsapano. Ndimu mawakukhala. Ndimu mawunifanila kuwa uli nthawe zense. Udatsudzuliwa kuchokela mumphamvu zamdima. Nidzvinthu dzvidayitika. Bvesesa pakutepa.



## **MZIMU WAMULUNGU AKUKHALA MAWULI!**

Umoyo watsapano umwewu unibwelesa dzvakuwanda dzvili dzvinthu dzvabwino. Chinango chakhala niMzimu waMulungu. NiMzimu unibwela kuzakhala mawuli. Kana abwela anikunthandiza kubvesesa Fala laMulungu. Unizakhala nakulibvesesa muchadidi.

Ungazafunde dzvako Fala laMulungu. Mzimu wake akhala nakulibvesesa. Unizakhala nakudziwa kuliseyenzesa muumoyo wako.

Mzimu waMulungu anikupasambo



nkhumbukila paFala laMulungu. Ndidzvo dzvatinilatiziwa muna Johani 14 ndime ya26. Nakutenepo, akupasambo mphamvu zakulalikila chipulumuso chaJesu Kristu. Unizalalikila nakudziwa.

*Mabasa 1 ndime ya 8 panilewa kuti, "Koma muchapasiwa mphamvu. Kana Mzimu waMulungu abwela padzulu panu. Mukwanise kukhala dzvapupu dzvangu. Mundipupulile muJerusalema, pomwe muJudea lense, muSamaliya paka kumalile yadziko".*

# NICHIYANI CHAWUNGAYITE

## KANA ...

*NZELU ZAKUYIPA ZIKABWELA*

*MUMUSOLO MAKO?*

Udabaliwa pomwe dzvako. Koma dzvakutenepa dzviniyita lini kuti usayesewe. Koma leka kukuliliwa nakuyesewa. Mulungu anivhulila njila yakunthawa nayo kuyesewa kumweku. Anitivhulila pense patiniyesewa. Ndidzvo dzvinilewedwa naBhaibheli. Tiniwelenga dzvakutenepa muna 1 Akolinte 10 ndime ya13. Koma nzelu zingabwele mumusolo mako. Nzelu zimwezi zinikwanisa kuwa zakuyipa. Iwepo tezesela dzvili panyansipa:

## (1) KUMBUKA KUTI WAKHALA CHISIKWA CHATSAPANO

Nzelu zakutenepa zichoka lini mumusolo wako. Pakuti iwepo udabaliwa pomwe. Zichokela kunja. Zichokela kuna Satani. Satani umweyu ndiye ali kukuyesa. Ife tidabaliwa pomwe. Koma takhala nakukumbuka kwaKristu. Ndidzvo dzvinilewedwa naBhaibheli. Tiniwelenga muna 1 Akolinte 2 ndime ya 16. Iwepo wakhala chinthu chatsapano. Ndidzvo dzvawunifanila kukhala uchikumbuka. Mulungu anifunambo kuti tikhale tichiyita nkhumbukila. Iye adatipasa umoyo watsapano, nikutiyita wanthu walinango gazi. Koma dzvinangalisise ninga munthu adasanduka.

## (2) FUNDILA KUTETEKELA

Tetekela Mulungu! Ita dzvaanikuwuzza! Kabanga wapitiwa nazinango nzelu. Koma nzulu

zimwezi nizakuyipa. Ungabve kumanikizika kuyita dzvawuli kukumbukadzvo. Nikuyamba kudzviyita. Koma iwepo nikuyita nkumbukila zakuti udabaliwa pomwe. Udasandula ludzi. Usanduka ludzi. Pamwepo yamba wakunda nzelu zimwezi. Nikulekelatu.

Tetekela Mulungu! Ita dzvaanikuwuzo! Udabaliwa pomwe dzvako. Koma nzulu zakuyipa zikhala zichibwela mumusolo mako. Zingaleke lini. Koma leka kuzitambila. Leka kuzitambila zichikutsoholela. Zilambe! Nzelu zimwezi zidandofanana nambalami. Ungalambizelini mbalami senzekela padzulu pako. Pomwe unizazilekelela lini zichikhala padzulu pako zichifika pakubanga dzvisakayila padzulu pako.

Nzelu zimwezi zina kwazinichokela. Koma dzvangayite fanike uli kudzvilambiza kubwela. Tsono leka kuzilambiza zichikhala msolo mako. Usazileke zichikutonga. Ndotsvaga dzvinango dzvabwino udzvitile munzelo zako.

Tila nzelu zako padzvinthudzvo. Dzviniza nthamangisa nzelu zakutenepazi. Mafala yamweya tiniyawona muna Afilipi 4 ndime ya8.

Ngatileweni kuti kabanga una mitambo yawuniyita. Mitambo imweyi ingakhale ikomedza wanthu. Unikwanisa kuwa uli wachimuna. Koma unifala kuyita ngati mukazi pamutambo umweyi. Kulewa kuti unibvala ngati mukazi. Nikugadzilisa tsitsi ngati mukazi. Uchilalewa ngati mukazi. Koma unizakoshiwalini kuti wakhala mamuna. Mutambo umwewu unizamala. Iwepo nikubvala mphasha zachimuna nikuyenda dzvako. Unizayenda kubasa nansiku yaMonday. Unikoshiwa lini kuti ndiwe mamuna. Uninga wakhala uchilalewa ngati mamuna, namakhalidwe yachimuna. Dzvinizayita lini kuti ukabwelela kubasa, ukalalewe ngati mukazi, uchiyita ngati mukazi.

Ndidzvo dzvawakhalambo tsapano pana pawukhanati wabaliwa pomwe. Ukhali kuyita

dzvakuyipa nthawe imweyo. Koma wakhala naumoyo watsapano. Ndiwo wawunifanilla kukhala uchilalama nawo. Ukhali kulalama ngati mukazi. Ukhali kuyita dzvakutenepa kwanthawe idakula. Pakuti zinango nthawe ukhambokoshiwa. Nikuyamba kuyita ngati mukazi. Koma unifanila kuyamba kudzivipasa khumbukilo. Unizalalama ngati mamuna. Unifanila kulamuka. Udzviwuze kuti, “Nee. Ine ndinelini munthu wachikazi. Nimutambo lini umwewu. Wakhala umoyo chayiwo”.

Dzvakutenepadzvi ndidzvo dzvawunifanila kuyita. Dzviyite pense panibwela nzelu zakuyipa. Dzviwuze uchiti, “Ndidabaliwa pomwe. Kumweku kukhali kuduwala kwachiwili. Koma ndidasanduka ludzi. Ndichakhala lini wakale”. Dzvilibe basa kuti nzelu zimwezi zidayita tani. Kumbuka kuti udasanduka ludzi. “Pomwe unilewa kuti udzvikumbuke. Nakuzalewa kuti wasanduka tsapano. Koma

nzelu zimwezi ndakuzisiya”.

Usaleke chakuyipa chichiyendelela. Pomwe leka kunyala kulila wanthu padecha. Awuze kuti, “Nandi. Ine ndidabaliwa powe. Koma dzvinikwanisika lini kuti ndiyite dzvanthu dzvakutenepa!”. Leka kuchengeta nzelu zakuyipa. Tsvaga makhalidwe yaMulungu. Yamba kuyita makhalidwe yamweya. Ndiye kuti zakuyipa ziyende. Nichinthu chimwechi chawunifanila kulonga kuyita. Pita muFala laMulungu, tsvaga makhalidwe yabwino. Udzvijayize kuyita makhalidwe yamweya.

### (3) IWEPO KHALA WAKUYITA. ITA FALA LAMULUNGU!

Mulungu anifuna kuti tiyite dzvaanitiwuzwa kuti tiyite. Anifuna lini kuti tikhale wakubva. Ndidzvo dzvatininyangana muna Jakopo 1 ndime ya 22 kufika pa24. Panilewa kuti,

*“Mukhale Fala laMulungu. Musakhale*

*wakumva kupela. Pakuti mukatenepo, makhala nakudzvinamiza. Nandawa yakuti kana munthu achipelela pakumva Fala laMulungu, lisingazawoneka muumoyo wake. Adandofanana namunthu anidzvinyangana pamufanikiso. Anidzviwona nkhope yake yakubadwa nayo. Koma paanichoka pamwepo, nikuyenda, iye anizakoshiwa kuti nimunthu adayita tani”.*

Fala laMulungu linilapanula dzvawakhala uli. Khala uchilikumbuka Fala limweli. Uchilalama ngati munthu ali kulapanulayu. Kumweko ndiko kukhala naFala laMulungu. Mzimu waMulungu anizakunthandiza kulikumbuka Fala limweli. Ndidzvo dzvinango dzvaanikunthandiza kuyita. Ndidzvo dzvidalewedwa naJesu. Tiniwelenga mafala yamweya muna Johani 14 ndime ya26. Panilewa kuti, “Tsono pana Mutandizi ali kubwela. Iye niMzimu waMulungu



achatumiwa naApayi. Achaseyenzesa dzina langu umweyo achandimililila. Achakufundisani dzvinthu dzvense. Achimbakukumbusani dzvandidakufundisani dzvanse”.

Mzimu waMulungu akhala naife. Koma takhala nachikhulupililo kuna Mulungu. Anitithandiza kukumbuka Fala laMulungu. Tsono iwepo ungakumbuke Fala laMulungu. Yamba walalama ngati dzvalinilewa. Koma leka kushupika dzvako. Uchigopela kuti ungataze kulikumbuka. Koma khala uchilikumbuka. Unizayita dzvalini lewa chayidzvo.

#### (4) KUMBUKA KUTI CHITAZO CHICHALIBE MPHAMVU ZAKUKUTONGA

Nzelu zakuyipa zingabwele dzvazene. Koma zichakwanisalini kukutonga. Zinikutonga kupela kana wazitezesela. Ukazitambila. Ndidzvo dzvawunifanila kukumbuka. Tiniwelenga muna Aloma 6 ndime ya14.

Panilewa kuti, “Pakuti chitazo chichalibe mphamvu zakukutonga....”. Iwepo wakhala kulungama nansisi. Uchalalamalini nakuwuziwa. Koma chichakwanisa lini kukutonga. Chichalibe mphamvu zakukuyitisa dzvinthu dzvakuyipa. Ndidzvo dzvinilewedwa naBhaibheli. Linilewa dzvakutenepa nadzvako iwepo.

Mulungu adakutsudzula kuchoka kuchitazo. Chichakwanisa lini kukutonga. Adakutsudzula kuchokela kudima. Nikukutula muUmambo wawo. Ndidzvo dzvatiniwelenga muna Akolose 1 ndime ya12 kufika pa13.

*“Muchipeleka kutenda Apayi. Iwo adayita kuti tikhale nekupasiwa pfuma yawakulungama. Imweyile inipasiwa ali muchayedza. Iwo Apayi wale adatitsudzula. Nikutichosa mumbuto yakutongewa nadima. Nikutitila mumbuto imweyi yinitongewa naMwana*

*mulumbwana wawo. Waanikondwela  
naye chayidzvo”.*

Iwepo udabaliwa pomwe. Kumweku kukhali kubaliwa kwachiwili. Koma wakhala una umambo wakukhala mawuli. Umambo umwewu ndiwo waMwana mulumbwana waMulungu. Ndiyo mbuto yacho initongewa naMwana mulumbwana umweyu. Koma mphamvu zadima zichakwanisa lini kukutonga. Mphamvu zimwezi zili muna linango dziko. Dziko limweli ndilo ladzvidzo. Koma iwepo wakhala munalinango dziko. Mudziko mwemu muna unango umoyo watsapano. Umoyo umwewu niwaMulungu. Wanthu wadziko lako niwagazi latsapano. Gazi limweli nilaMulungu. Wanthu wagazi limweli anikulila dzvitazo. Ndiye tsapano chitazo chisingakwanise kukutonga.

Akolose 1 ndime ya14 panilewa kuti, “Iye anikwanisa kunthupulumusa, aniseyenzesa gazi

lake kuti chiza. Kuchiziwa kumweku kwakhala kuli kukoshiwidwa dzvitazo dzvanthu". Chipulumuso chanthu chilu muna Kristu Jesu. Koma tidachiziwa patakhala pano. Ndidzvo dzvatawelenga muna Aefeso 2 ndime ya5 kufika pa6. Koma tilikutsvagalini kuchiziwa. Tidachiziwa kale. Ndidzvo dzvalewedwa muFala laMulungu. Tifanila kukhala tichiyita nkumbukila kuFala limweli. Tichikondwela.



## NICHIYANI CHAWUNGAYITE KANA...

*ANZAKO WAUKHALI KUSENZEKA NAWO  
ACHIYESA KUKUYIPISA MTIMA?*

Iwepo wabaliwa pomwe. Wakhala chipani chayinango mbumba. Una mbumba yawudabaliliwa. Ndiwe lini wambumba imweyo. Una anzako waukhali kusenzeke nawo. Una wanthu wawukhali kudziwa. Dzvinilewa lini kuti usiyane nawanthu amwewa. Dzvinilewa lini kuti usiyane naanzako amwewa. Ndiwe wakhala chiyedza chawo. Iwo akanati akhale na Jesu Kristu. Jesu umweyu akanati akhala mumtima yawo. Kom wanthu amwewa achili mudima. Iwepo wakhala chiyedza

chaMulungu. Ndiwe unifanila kuwalakiza. Leka kukoshiwa dzvimwedzvo. Lalikila chipulumuso. Ndiye kuti ateyelembo Jesu.

Koma wanthu amwewa angayese kukuyipisa mtima. Nichiyani chawungayite pakutenepo? Bhaibheli linilewa nadzvawanthu wakutenepa. Linilewa kuti niwanthu anigwesela pansi. Wanthu amwewa achabwela muntsiku zakumalizila. Pamwepo aninga achilonga dzvakuyipa dzvoka dzvoka. Achimbaseka chadidi. Achigwesela pantsi Fala laMulungu. Tiniwelenga dzvakutenepa muna 2 Petulo 3 ndime ya4.

Wanthu amwewa akhala achiyesa kukubwezela mumbuyo. Akhala achiyesa kuti usvipa mtima. Koma iwepo leka kuwatezesela. Makumbukilo yawo ndayaleke kukupatula kud'yezana naKristu. Leka kubvanana nawo. Leka kutambila nzelu zawo. Khala udalimba naMulungu. Uchiseyenzesa Fala laMulungu.

## KUMANGILILIWA PAGEJO NAANANGO ASINGAKHULUPILILE

Wanthu ana nthawe yaadayamba kulima namagejo. Wakulima animangilila dzvipfuyo dzviwili. Nikuseyenzesa dzvipfuyodzvo kuti dzvikwekwete gejo. Dzvipfuyo dzvimwedzvi dzvinikwanisa kuwa dzvili dzvambongolo dzviniyamba kulima mudimba. Dzvichikwekweta dzventse pabodzi, dzvichifamba pabodzi. Wakulima ndiye anidzvitsogolela kwakuyenda kwacho.

Dzvipfuyo dzvimwedzvi dzvikhafanila kuwa dzvili dzvachipani chibodzi. Dzvisili dzvakutenepo, dzvikhali kuyitiwa kuti kabanga amanga dzvakusiyana. Ndidzvo dzvatifanila kuyitambo ife. Tingakhale nawanthu watingabvanane nawo. Wanthu amwewa anifanila kuwa ali wachipani chanthu. Ngaakhale ali aKristu ngati ife. Dzvisili dzvakutenepo,



takhala tidamangiwa dzvisilidzvo. Tsono Mulungu atiwuza dzvakuyita. Tiniwelenga kuyambila kumweku muna 2 Akolinte 6 ndime ya14 kufika pa16. Panilewa kuti, “Lekani kumangililiwa pagejo libodzi nawanthu alibe kutambila Chipulumuso”.

Kabanga iwepo ungakhale namunthu waunibvanana naye. Koma kunthu umweyu angakhale muKristu. Wakhala udamangiwa pabodzi naye. Kumangiwa kwakutenepa nikwabwino lini. Kudayipa. Mulungu anifuna lini kuti ukhale naubale wakutenepa. Anifuna kuti ubvanane naaKristu kupela. Ungakhala naanzako wapamtima. Anzakowa angakhale asili aKristu. Munthu umweyu angakhale namakhalidwe yabwino. Dzvakutenepo dzvilibe basa. Ndaayambe abaliwa pomwe. Ndiye kuti akwanise kukhala mwanzako. Makamaka mwanzako wapamtima.

Mulungu anifunalini ubale wakutenepa. Aniwutambila lini. Nikumangiwa kwakuyipa.

Mulungu ndiye anibvesesa wanthu. Koma leka kukhulupilila pachikhulupililo chako.

Mulungu adambotuma Samuyeli. Samuyeli umweyu akhali wakuwona. Nikutumiwa kunyumba kwaJese. Akhadatumiwa kukatola wana waJese. Kuti apase munango wawo mpando kuti akhale mambo. Mambo umweyu ndiye akhali kuzatonga Isarayeli. Tiniwelenga nkhani imweyi muna 1 Samuyeli 16 ndime ya1 paka 11. Samuyeli nikuyenda kunyumba kwaJese. Adafika kunyumba kule, nimagwedze namwana wakuyamba waJese. Wakuyambayu akhachemelewa Eliyabhi. Samuyeli nikuyamba kulalewa. Nikuti, “Umweyo ndiye akhafanila kuti akhale chidalitso chaMulungu umweyu”. Koma Mulungu nikulalewa kumunthu wakuwona ule. Nikumuti, “Leka kudalitsa umweyo. Ndidamulamba kale”. Mulungu nikuthumizila, nikuti, “Pakuti wanthu andonyangana khope yamunthu. Panango chimilo chake. Koma Mulungu aniyitalini tenepo. Aninyangana mtima

wamunthu. Aninyangana dzvili mukati”. Ndiyo mawonelo yawuniyita wanthu. Undonyangana nkhope zawo. Chimilo chawo. Namafala yaanilalewa iwo. Nikukumbuka kuti wanthu amwewa niwabwino. Kabanga kuti niwanthu wakuyipa. Koma Mulungu anichitalini tenepo. Aninyangana mtima yawamunthu.

Kwakhala wanthu akanati abaliwa pomwe. Wanthu wakutenepa alibe mzimu yabwino. Mulungu aniwona kuti niwanthu wakuyipa. Munthu ndaabaliwe pomwe. Ndiye kuti Mulungu amuwone ngati nimunthu kwengwe. Munthu wakutenepa ndiye anikwanisa kuwa mwanzako. Maka-maka mwanzako wapamtima. Dzvisili dzvakutenepo, Mulungu anifuna lini kuti munthu akhale namwanzake wapamtima. Iwepo wabaliwa pomwe. Wakhala namukho wawunifanila kukhala nawo. Mukho umwewu ndawukhale wakudalitsa Mulungu. Pomwe ndoleka kuyita dzvindodabwisi iwepo kupela.

Khala mtima wako uli paFala laMulungu.  
Ndiye kuti Mulungu akhale achikukundisa.  
Ndidzvo dzvatiniwelenga muna 1 Akolinte 10  
ndime ya13.



# **NICHIYANI CHAWUNIFANILA KUYITA KANA....**

*UKATAMBUZIWA NAKUFUNA*

*KWAKUPEMPHELA KWAKO?*

Jesu ana mufanikiso waadambolewa. Tiniwelenga muna Mako 4 ndime ya1 kufika pa9. Mufanikiso umwewu niwakumwaza mbewu. Wakumwaza umweyu adayenda kukamwaza mbewu zake. Zinango zidagwela paminyala. Zinango nikugwela padhaka lakuwuma. Zinango nikugwela mudzvidzambwa dzvaminga. Zinango nikugwela padhaka labwino. Bhaibheli linilewa dzvakutenepa pandime ya16 paka17 yacho panilewa kuti,

*“Anango wanthu adayita ngati dhaka lili paminyala. Anango wacho anibva Fala laMulungu. Nikulitambila. Nikulitambila achikondwela. Koma anisiyalini Fama limweli lichinyuza mizi mwaali. Koma aninthamango nalo kwanthawe idachepa. Anizayamba kuliwelengelewa Fala limweli. Anizayamba pomwe kulishupikiliwa. Dzvinizawasvipisa mtima. Nikukalipa”.*

Jesu akkali nawanthu waakhali kulewa. Niwanthu anitambila Fala laMulungu. Koma Fala limweli palibe kwaliniyenda. Niwanthu anishupika. Ambayesa kulimbikila. Koma anikulumiza kusvipa mtima. Akulumbiza kusiya. Akulumbiza kukulilidwa. Kuna wanthu wakuwanda adayita dzvakutenepa.

Koma kuna anango wanthu, wanthu amwewa alibe chikondi naJesu dzvakulimba.

Ndidzvo dzvatili kuwuziwa naJesu. Wanthu amwewa amba funa dzvawo Fala laMulungu. Koma maso yawo yakhala pana dzvikhulupililo. Dzvakhala ngati umoyo usingamale. Kukondwela. Nakudayiliwa kwamapemphelo yawo. Koma alibe chikondi naMulungu. Wanthu wakutenepa angashupike. Achishupikila kupemphela kwawo. Azakhala wakukuliliwa. Dzvakutenepadzvi dzvidabwisa lini. Iwepo ungashupike dzvako. Ungatambuziwe nakufuna kwakupemphela kwako. Khala udamila paFala laMulungu.

## (1) KHALA UCHIKONDWELELA MULUNGU DZVABWINO

Mulungu akhala achifuna kuti uwakondwelele. Anifuna kuti uwakondwele dzvabwino. Chikondi chinikwanisa kuwa chakuwanda. Chinikwanisambo kudelenkha. Chininthumizila pawakumbuka nadzvaMulungu



uchitetekela Fala lawo, uchipemphelela, pomwe uchicheza nawo. Unizamalizila wakuwabvesesa. Dzvinizatumizila kuti uwakondwele. Koma khala uchitetekela Fala lawo. Ndiye kuti unthumizile kuwabvesesa. Uchizatumizilambo kuwakondwela. Nayiwembo uchikhalambo nadzvakuwanda kuchokela kwaali.

Kondwela Mulungu nanjila imweyi. Fala lawo likhala lakulimba mumtima mako. Ungasangane dzvako nadzvinthu, koma wakhala wakudziwa dzvinilewa Mulungu. Tsono unikulumiza kulalewa Fala lawo nadzvadzvene.

Lilimi lako lakhala lina mphamvu. Likwanisa kuchiza dzvinthu, pomwe likwanisa kubaya dzvinthu. Ndidzvo dzvinilewedwa naBhaibheli. Tiniwelenga kuchokela muna Ntsumo 18 ndime ya20 kufika pa21. Pomwe, iwepo ungalalewe mafala. Mafala yamweya yakhala yachibula mumtima wako. Tiniwelenga pomwe muna Mateyo 12 ndime ya34 kufika pa35,

pomwe na37. Koma khala udadzadza mtima wako naFala laMulungu. Ungazasangane nadzvinthu, unikwanisa kukumbuka ngati Mulungu, uchilalewambo ngati Mulungu.

## (2) LEKA KUPONYA DIPA PANSTI!

Kushupika kungabwele. Koma iwepo leka kuneta. Leka kukulidwa. Lamba kuti wakulilidwa. Udabaliwa pomwe. Koma dzvinilewa lini kuti kushupika kwamala. Pomwe kuyesewa kwakhala kulipo. Dzvandokhala kuti Mulungu ndiye anikukundisa. Akukundisa mukushupika kumweku. Anikukundisa pomwe mukuyesewa kumweku. Tiniwelenga pomwe muna Nyimbo 23 ndime ya5. Panilewa kuti, “Munikonzekela chakudy’a patsogolo pawanthu anizonda.....”. Unikwanisa kuwa udanyanganana naanikuzonda. Koma anikwanisa lini kukugwesela pantsi. Ungashupike dzvako. Koma umoyo wako

ungakwanise lini kukugwesela pansti!

Mulungu anifuna lini kuti utambile kukundiwa. Mila udalimba! Dzvinthu dzvingawume dzvadzvene. Koma lamba kukulidwa. Leka kutaya dipa pansti. Mulungu anikukundisa kupela. Leka kusvipa mtima. Khala udakhulupilila kwaali. Iye Mulungu anikutayalini. Anizakusiyalini uli wekha, uzakunda. Dzvilibe basa kuti chinizayitika. Pakuti ndiwe mukulu padzvinthu dzvense. Isaya 43 ndime ya 2 panilewa kuti ungapite dzvako namumadzi, koma madzi imweyi yinikuyeleza lini. Ungapite mumoto. Moto umwewu unitsva lini. Lalikila Jesu Kristu namtima wense. Ndidzvo dzvawunifanila kuyita. Dzvinthu dzvingawuna dzvadzvene, koma khala uchitetekela Mulungu basa.

*1 Akolinte 15 ndime ya57 kufika  
pa58 panilewa kuti, "Koma Mulungu*

*ndaapasiwe mtendero. Ndiye anitikundisa. Anitikundisa muna Mfumu Jesu Mpulusi. Koma abale wangu wanikondwela. Khalini mudalimba. Ndapaleke kukhala nachinthu chinikupatulani. Mabasa yamuniyitila Mfumu yakhale yachinthumizila. Muchidziwa kuti mabasa yenseya yamuniyitila Mfunu, lekani kukumba kuti palibe chinthu”.*

*1 Johani 5 ndime ya4 panilewa kuti, “Pakuti chinthu chinibaliwa naMulungu, chense dzvachene chikulila dzino lino. Pomwe chikhulupililo chanthu muna Mulungu, ndizo zakhala zinikunda dziko”.*

Mulungu ndiye anitikundisa. Tanikwanisa kukunda kana tili mmuna Mfume Jesu Kristu. Koma dzvinikwanisika lini kuti kundiwe. Nyanganisisa muna 1 Johani 5 ndime ya4. Lina mphamvu zatinilalewa nadzvazo. Mphamvu zimwezi ndizo zinikulila dziko lino. Mphamvu zimwezi zakhala chikhulupililo chanthu muna Mulungu. Koma khulupilila naMulungu pakulalama kwako. Ndiwe wakukunda. Ndiwe wakhala uchikunda. Ukakhala uli iwepo unikundiwa lini. Udabaliwa naMulungu. Ndiwe mwana waMzimu waMulungu. Koma kukunda kwakhala kwako.

## **MZIMU WAMULUNGU AKHALA MUUMOYO WAKO**

**Iwepo udabaliwa pomwe. Dzvakutenepadzvi dzvinilewa kuti udabaliwa kachiwili. Ndiwe wakubaliwa naMzimu waMulungu.** Ndidzvo dzvatiniwelenga muna 1 Akolinte 12 ndime 13, naJohani 3 ndime ya5 kufika pa8. Koma umoyo wako wakhala naMzimu waMulungu mkati. Koma bvesesa, nakuwaleka achiseyenza muumoyo wako.

Mzimu waMulungu akhala nadzvaanifuna kukupasa. Bvesesa dzvinthudzvi. Ndiye kuti ukomedwe naumoyo uli muna Kristu.

Kuti ukwanise kukhala nachipo chaadakupasa. Chakhala ndicho chatafononkhola muna 1 Akolinte 12 ndime ya8 kufika 10. Akhala namphamvu zaanifuna kukupasambo. Mphamvu zimwezi ndizo zatininyangana muna Luka 24 ndime ya49, naMabasa 1 ndime ya8.

### **MZIMU WAMULUNGU NIYANI?**

- Bhaibheli linilewa nadzva Mzimu waMulungu. Linilewambo nadzvambuto zakusiyana siyana. Zinango mbuto ndizo zakhala
- Tiniwawona mukuPhatana kwaKale. Akhali kupasa wanthu mphamvu. Mphamvu zimwezi zikhalilini zadziko lino. Ndidzvo dzvatiniwelenga muna Atongi 14 ndime ya6 na19.
- Tinyangana muna kuPhatana kwaTsapano. Ndiwo akhali kuseyenza muna Jesu. Koma tiniwona pakubadwa kwaJesu. Muumoyo waJesu. Nakulalikila kwake. Ndidzvo

- dzvatinilatiziwa muna Luka 4 ndime ya18.
- Tiniwonambo muna Mabasa 2 ndime ya1 kufika pa4. Akhali kuseyenza muwakufundila waJesu.
  - Akhala Mulungu. Nimunthu waludzi laMulungu. Umweyu akhala Mulungu wachitatu. Ndidzvo dzvatinilatiziwa muna Johani 14 ndime ya16 kufika pa17, pomwe naJohani 15 ndime ya26.
  - Iye akhalipo nthawe ikanati yakhalapo. Ndidzvo dzvatininyanganambo muna Kuyamba 1 ndime ya2.
  - Paali ndipo paniwoneka mphamvu zaMulungu. Kulewa kuti ndiye Mulungu aniyita dzvinthu dzvense. Dzvinthu dzvacho dzvile dzvakala dzvaledwa naApayi. Ndidzvo dzvatinilatiziwa muna Kuyamba 1.
  - Ndiye Mzimu wachikondi. Wamphamvu. Nawa nzelu. Ndidzvo dzvatiniwona muna



2 Timoti 1 ndime ya7.

- Ndiye Mzimu anibwelesa kutsudzuka. Ndidzvo dzvatiniwona muna 2 Akolinte 3 ndime ya17.

## DZVINTHU NIMZIMU WAMULUNGU DZVAASIL

Mzimu waMulungu nimphamvu lini. Nimphepo lini. Nimafuta lini. Ninjiwa lini. Manembo yandoseyenzesa dzvinthu dzvimwedzvi kulapanula dzvaali kupela. Mzimu waMulungu aniyita kuti wanthu akwanise kulalewa nachisenzi. Koma iwo nichisenzi lini. Ndiye anitipasa mphamvu zaMulungu. Koma iwo nimphamvu lini. Anikubwezela lini kuumoyo wakukhala uchigopa. Ndidzvo dzvatiniwonambo muna Aloma 8 ndime ya15. Ndiwo anititsudzula. Ndidzvo dzvatiniwonambo muna 2 Akolinte 3 ndime ya17.

## NANDAWA YANYI TICHIFANILA KUKHALA NAMZIMU WAMULUNGU

- Mzimu waMulungu atipasa mphamvu zaMulungu. Ndidzvo dzvatiniwonambo muna Mabasa 1 ndime ya8. Pandime imweyi muna fala lakuti “mphamvu”. Fala limweli lini lewedwa kuchokela kuChigiliki. Fala laChigiliki limweli nilakuti “dunamis”. Fala limweli linilapanula chinango chipani champhamvu. Zimwezi nimphamvu zinikwanisa kugadzilisa dzvinthu. Nimphamvu ziniseyenza nanjila inowoneka. Ndizo mphamvu zatinipasiwa naMzimu waMulungu. Atipasa paanibwela kuzakhala matili. Mphamvu zimwezi ziniyita kuti tikwanise kugadzilisa dzvinthu. Zinigadzilisa dzvinthu muumoyo wanthu. Tinidzvigadzilisambo muumoyo waanango wanthu.

- Mzimu waMulungu aniyita kuti tikwanise kulalikila fala lachipulumuso. Aniyita kuti tikwanise kulalikila tidalimba. Ndidzvo dzvanyanganambo muna Mateyo 28 ndime

ya18 kufika pa20. NaMako 16 ndime ya15 kufika pa18.

- Mzimu waMulungu atitsogolela. Ndiye pomwe atilatiza kwakuyenda. Ndidzvo dzvatiniwona muna Johane 16 ndime ya13, naAloma 8 ndiye ya14.

- Mzimu waMulungu atinyamaliza. Ndidzvo dzvatiniwonambo muna Johani 14 ndime ya18, naMabasa 9 ndime ya13.

- Mzimu waMulungu anitilatiza. Pomwe, atifundisa. Ndidzvo dzvatiniwona muna Johani 14 ndime ya26, na 1 Akolinte 2 ndime ya11 kufika 12.

- Mzimu waMulungu anifamba nayise. Pomwe ana mukho nadzvense dzvaanitiyitila nsiku zokha-zokha. Ndidzvo dzvatiniwona muna Johane 14 ndime ya16.

- Mzimu waMulungu ndiye anipupula kumzimu wanthu. Achiyita kuti tibvesese kuti takhala wana waMulungu. Pomwe kuti tina pfuma yatidapasiwa. Pfuma imweyi

iniwonekambo muna Kristu Jesu. Ndidzvo dzvatiniwona muna Aloma 8 ndime ya16, naAefeso 3 ndime ya6.

- Mzimu waMulungu aniyita kuti tikhale wanthu adatsudzuka kufika pana Mulungu. Tingafike paali ninga wanthu anikondwela Mulungu. Ndidzvo dzvatiniwona muna Aloma 8 ndime ya15, 2 Akolinte 3 ndime ya17, na2 Timoti 1 ndime ya7.

## IWEPO UNIKWANISA KUWA NAUBALE NAMZIMU WAMULUNGU

Jesu ana mafala yaadalewa. Tiniwelenga mafala yamweya muna Johani 14 ndime ya17. Adati,

*"Ndiye Mzimu waMulungu wachadidi.  
Dziko inikwanisa lini kumutambila.  
Pakuti inikwanisa lini kumuwona.  
Pomwe inikwanisa lini kumudziwa.*

*Koma imwe munimudziwa. Tsapano  
anayimwe. Koma achazakhala mukati  
mwanu”.*

Khala uchidziwa kuti Mzimu waMulungu ali mukati mako. Mulekele aseyenze mawuli. Ndidzvo dzvinifuniwa mukudy’ezana nawo. Koma unifanila kudzvipasa nthawe yakucheza nawo. Uchitsvaga kumudziwa dzvakulimba. Panthawe zimwezi, unikwanisambo kuwa uli kupemphela. Kabanga kufundila Fala laMulungu. Uchibva dzvalinilewa. Nakuyita dzvense dzvaanikugwinyizila kuti uyite.

Iwepo udanyikiwa muna Mzimu waMulungu. Ndidzvo dzvidayitika pawudabaliwa pomwe. Kunyikiwa kumweku kundayita ngati wanyikiwa mumadzi. Dzvidando fanana nadende. Unikwanisa kulinyuza mumadzi. Nikunyula lense. Ndidzvo dzviniyitika pakubaliwa pomwe. Uninyikiwa muna Mzimu waMulungu, uninyikiwa maali. Ngati dende

lanyuziwa mumadzi.

Lakhala lanyula dzvalene mumadzi. Koma mukati macho makhala mulibe madzi. Koma lininga lakubolewa kuti liyite kwangwazila. Ndiye kuti madzi yipite mukati. Ndidzvo dzvawunifanila kuyitambo iwepo. Uninga wabaliwa pomwe. Kulewa kuti wanyuziwa muMzimu wamulungu. Koma Mzimu waMulungu umweyu akhalambo ali mukati mako. Anifanila kukhala adadzala mawuli.

Pamwepo unidzala lini naMzimu waMulungu pamwepo. Unifanila kukhala uchindodzadziwa. Mzimu waMulungu anifanila kukhala achipita mukati mako. Ndidzvo dzvatiniwelenga muna Aefeso 5 ndime ya18. Kulewa kuti unifanila kukhala uchidziwa kuti Mzimu waMulungu anayiwe. Nzelu zako ndazikhale zili paali. Uchilekela kuti aseyenze mawuli. Achiyita basa lawo

muumoyo wako. Koma unikhala uchidzadziwa naMzimu waMulungu. Ndidzvo dzviniyitika pawunithumizila kubvanana nawo. Uchicheza nawo. Unicheza nawo pawuniwathokoza. Uchipemphelela. Uchifundisa Fala laMulungu. Uchiyita dzvaanikupanganiza. Nakuyita dzvense dzvaanikugwinyizila kuyita. Ndiye kuti akwanise kukutsogolela.

## KULALEWA NACHISENZI

Mzimu waMulungu anipasa wana waMulungu kulalewa. Nikulalewa kwachisenzi. Ndidzvo dzvatambonyangana pakuyamba. Kulalewa kumweku kwakhala kuli kwachilazito. Nichinthu chinitilatiza kuti munthu umweyu adatambila Jesu. Ndidzvo dzvatiniwelenga muna Mako 16 ndime ya17.

Kulalewa kumweku kunichikela kumzimu wako. Koma uniseyenzesa nzelu zako kuti

ulalewe. Ndiko kulalewa kuniyita kuti muKristu akwanise kulalewa naMulungu. Aninga akukwanisa kulalewa nawo. Pomwe mzimu wake ndiwo uli kulalewa. Mzimu waMulungu ndiye anitila kulalewa kumweku mumzimu wako.

Kulalewa kumweku nachisenzi ndiko kupemphela namzimu wako. Kabanga kupemphela pamzimu. Ife tingalalewe nachisenzi. Pamwepo tininga tichilalewa naMulungu pachawo. Ndidzvo dzvatinipanganiziwa muna 1 Akolinte 14 ndime ya4. Kulalewa nachisenzi kunilimbisa mzimu yanthu. Ikhala idalimba. Ndidzvo dzvatinilatiziwa muna Judha 1 ndime ya20. Kunilimbisambo mzimu yanthu. Mzimu yanthu inisanduliwa. Ndidzvo dzvatiniwona muna Isaya 40 ndime ya31.

Iwepo ungatambile Mzimu waMulungu. Uniyamba kudziwa kulalewa nachisenzi.



Koma ndiwe unisankhula kuchilalewa. Mzimu waMulungu ndiwolini anilalewa. Andokupasa mafala yakulalewa kupela. Iwepo ndiwe unisankhula kulalewa. Koma unikwanisa kulalewa nechinango chisenzi, uchilalewa kuna Mfumu. Uniyita dzvensedzvi pawafunila.

Uniyamba uchilalewa pan'ono. Koma khala uchilalewa. Unizamalizila wakudziwa. Dzvidandofanana namwana mudiki. Aniyamba kulalewa mafala man'ono. Anizamalizila akudziwa kulalewa. Ndiye akhala achilalewa. Ndidzvo dzvawuniyitambo pakulalewa nachisenzi. Chisenzi nikulalewa. Koma kudasiyana nakulalewa kwawunidziwa. Koma unifunalini kuyita dzvakufundila. Koma kukhala uchilalewa. Ndiye kuti ukwanise kulalewa mukudziwa.

Tsono khala uchilalewa nachisenzi. Dzviniyita kuri mzimu wako ukule. Iwepo unizakwanisa kuseyenzesa dzvinango dzvipa dzvaMzimu waMulungu.

## KO, UNGAFUNE KUYENDA KUCHECHI?

Jesu adambolalewa nadzvawanthu adatsudzulila wawo. Adatsudzuliwa amwewa ndiwo akhala nthupi lake. Ndiwo aniwamililila padziko pako. Tiniwelenga mafala yaJesu yamweya muna Mateyo 16 ndime ya18. Nikuti akhala kuzamanga Kusunkhana kwaWakutsudzuliwa. Achalimanga dzvakuti msuwo wadindi lamoto lingataze kuwatazisa.

*"I Akolinte 12 ndime ya12 kufika pa14 panilewa kuti, "Pakuti nthupi dzvayili yokha. Koma yili nadzvipani*

*dzvakuwanda. Nikuphatana kuumba thupi libodzi kupela. Ndidzvo dzvidayita mupulumusi. Pakuti ise tense. Angakhale aJudha. Kabanga asili aJudha. Alanda. Kana wakutsudzuliwa. Tidanyikuwa munthupi libodzi. Nikufinikiwa tense mwemo naMzimbu waMulungu. Pomwe nikumwesewa muna Mzimbu waMulungu mubodziyo. Pakuti nthupi lidawumbiwa nadzvipani dzvakuwanda. Nee ibodzi kupela”.*

Ife ndife takhala nthupi lacho. Kristu ndiye musolo wacho. aKristu wense ndiwo dzvipani dzvanthupi limweli. AKristu amwewa niwale adabaliwa pomwe. Pomwe, akristu amwewa nidzvipani dzvinilimbisana. Ndidzvo dzvatinilatiziwa muna 1 Akolinte 12 ndime ya27. Ndife dzvipani dzvaKristu. Koma tiniseyenza ngati nthupi lamunthu. Dzvipanidzvimwedzvi zinikwanisalani kukhala zidatayana. Inango nayinango iniseyenza lini yokha. Ili payene.

Zikhala zidamangana. Zili pabodzi. Ndidzvo dzvidayitambo dzvipani dzvanthupi laKristu. Mulungu adapasa dzvipani dzvokha dzvokha chipo. Dzvipa dzvimwedzvi dzvidasiyana siyana. Koma dzvense dzvilipo kunthandiza wakupatuliwa waKristu. Ndidzvo dzvatiniwona muna 1 Akolinte 12 ndime y118 kufika 24, naAefeso 4 ndime ya11 kufika pa12.

Koma muKristu ndaasangane naanango pamapemphelo. Ndaakhala nachechi yaali kupita. Pakuti ndidzvo dzvatinipanganiziwa naMulungu pakusangana tenepa. Tinidalitsana. Tininga tichiseyenzesa dzvipa dzvanthu kudalitsana. Munango ana achipa chakuseyenza madantha. Munango chakuchiza. Munango chakulalewa dzvili mumzimu. Koma khala uchiyenda kumapemphelo yakusangano lako. Ndiye kuti ukwanise kubvesesa Fala laMulungu. Uchibva uchapupu waanango. Nakuwona madantha yachiyitika. Khalambo uchipemphela kusangano lako. Khalambo

uchipemphela pabodzi naanango. Pana madalitso yawunizakhala nayo. Yamweya nimadalitso yanipasiwa kuchechi. Mzimu waMulungu akhala achipasa kudzvipasi dzvokha dzvoka. Ndidzvo dzvatiniwona muna Ahebeli 10 ndime ya25, naMabasa 1 ndime ya14, naNyimbo 133 ndime ya1 kufika 2.

Khala uli chipani chachechi. Dzvisili dzvakutenepo, kulalama naFala laMulungu kunizakulemela. Chichi imweyi ndayikhale initambila Mzimu waMulungu. Khalambo nadzvinango dzvawuniyita muchechi imweyi. Dzvinizayita kuti ubvesese chichi imweyi. Nakudziwa chipani chalene. Mzimu wako unizalimbambo. Uchikula. Dzvinizayita kuti ulelukidwe nakulalama muFala laMulungu. Uchizakwanisambo kubudilila pakulakila kwako Mulungu.

Iwepo wakhala muKristu. Unifanila kuwa chipani chachechi. Chichi imweyi ndayikhale muyi wako. Itambo chinango chinthu muchechi

mwemo. Dzvasili dzvakutenepo, unipitiwa namadalitso yaMulungu yakuwanda. Pomwe, uniyita dzvisingafuniwe naMulungu.

Iwepo udabaliwa pomwe. Lalama ngati munthu adabaliwa pomwe. Usakhale panisangana anango kuchechi. Tsono ndidzvo dzvatiniwuziwa muna Ahebeli 10 ndime ya25. Koma usasayike pamapemphelo yachechi yako!

## KHALA UCHIKULA PAMZIMU

Chikhulupililo chako chinikwanisa kukula. Chinikwanisambo kunthumizila. Chininthu pawunenge uchibva Fala laMulungu. Ndidzvo dzvinilewa Bhaibheli. Koma ndina kufundisa kwanifuna kuti utakule. Kufundisa kumweku kunikunthandiza kukula pamzimu. Zinniyita kuti ukwanise kulalama umoyo waChiKristu. Ziniyita kuti chikhulupililo chako chikule.

Nyangana kufundisa kumweku. Uzitetekele. Uziseyenzese pakulalama kwako. Umoyo wako unisanduka. Uchinthumizila kukoma. Kufundisa kumweku kwakhala:

To contact the author write:  
Pastor Chris Oyakhilome:

**United Kingdom:**

Unit C2, Thamesview Business Centre  
Barlow Way, Rainham, RM13 8BT  
Tel.: +44 (0)1708 556 604

**South Africa:**

303 Pretoria Avenue  
Cnr. Harley and Bram Fischer,  
Randburg, Gauteng, South Africa.  
Tel: +27-11-326 0971,  
+27-11-326 0972

**Nigeria:**

Christ Embassy  
Plot 97, Durumi District,  
Abuja, Nigeria.

**Nigeria:**

Plot 22/23 Billings Way, Oregun,  
Ikeja, Lagos.  
Tel: +234-808 586 5700,  
+234-817 198 7339  
+234-802 478 9892-3

Please include your testimony or help received  
from this book when you write. Your prayer  
requests are also welcome.





## **OTHER BOOKS BY PASTOR CHRIS OYAKHILOME**

- 🔊 **PROPHECY: UNDERSTANDING THE POWER THAT  
CONTROLS YOUR FUTURE**
- 🔊 **HOW TO MAKE YOUR FAITH WORK**
- 🔊 **PRAYING THE RIGHT WAY**
- 🔊 **THE POWER OF TONGUES**
- 🔊 **THE GATES OF ZION**
- 🔊 **JOIN THIS CHARIOT**
- 🔊 **DON'T STOP HERE!**
- 🔊 **7 THINGS THE HOLY SPIRIT WILL DO IN YOU**
- 🔊 **7 THINGS THE HOLY SPIRIT WILL DO FOR YOU**
- 🔊 **WHEN GOD VISITS YOU**
- 🔊 **HOW TO RECEIVE A MIRACLE AND RETAIN IT**
- 🔊 **NOW THAT YOU ARE BORN AGAIN**
- 🔊 **THE HOLY SPIRIT AND YOU**
- 🔊 **NONE OF THESE DISEASES**
- 🔊 **THE OIL AND THE MANTLE**
- 🔊 **YOUR RIGHTS IN CHRIST**
- 🔊 **KEEPING YOUR HEALING**
- 🔊 **THE PROMISED LAND**
- 🔊 **RECREATING YOUR WORLD**
- 🔊 **RHAPSODY OF REALITIES DAILY DEVOTIONAL**
- 🔊 **RHAPSODY OF REALITIES TOPICAL COMPENDIUM  
(VOL 1, 2, 3 & 4)**
- 🔊 **HEALING FROM HEAVEN (VOL 1, 2 & 3)**
- 🔊 **HOW TO PRAY EFFECTIVELY (VOL 1)**

**PLACE YOUR ORDERS NOW!**

FOR MORE INFORMATION CALL:

UK: +44(0)1303 270970; CANADA: +1-416-746 5080  
USA: +1-301-860 0703 SOUTH AFRICA: +27 11 326 0971,  
+27 11 326 0972, NIGERIA: +234-8023324188, +234-8052464131,  
+234-1-8925724. Or visit [www.christembassyonlinestore.org](http://www.christembassyonlinestore.org)

---

